

শুশানের ফুল


—:00:—

কবিতা।

যেই মুখধানি হায় অতুল ধরায়,
কি ঘোবনে কি বয়সে, স্নিগ্ধ যাহা প্রেমরসে,
সেই চিত্ত ক্ষীণাক্ষিত করেছি হেথোয়,
বিষাদের চিত্রপটে নয়নধারায়।

শ্রীনরেন্দ্রকৃষ্ণ চট্টোপাধ্যায়
বিরচিত ও প্রকাশিত ;
১৪১১ বেনেটোলা লেন,
কলিকাতা।

মূল্য ॥০ টাঙ্কে চোখ



তুমিকা ।

যে অবস্থায় চন্দশেখর বাবু “উদ্ভ্রান্ত প্রেম” লিখিয়াছিলেন, আমিও তদবস্থায় পতিত হইয়া “শুশানের ফুল” লিখি। সন ১৮৯৭ খ্রষ্টাব্দের প্রথমে এই কবিতা কম্বটি আমি লিখিয়াছিলাম, কিন্তু সমাপ্তিকারণে তার প্রকাশ করিতে সাহস করি নাই। কলিকাতার কোন বিশিষ্ট বিবান বক্তির উৎসাহে এই গ্রন্থখানি সাধারণের সমক্ষে প্রকাশ করিতে সাহসী হইয়াছি।

বঙ্গভাষায় স্তোবিয়োগ উপলক্ষে কোন কবিতা পুস্তক আছে কি না আমি জানি না। আমার উদ্দেশ্য কাদা, কাদিতে পারিয়াছি কি না বলিতে পারি না। তবে এইমাত্র বলিতে পারি আমি অলৌক স্বপ্ন অনুসরণ করিতে যাই নাই, আমার ঘটনা যথার্থ।

সোদরপ্রতিম প্রিয়মুহূর্ত শ্রীযুক্ত গোবিন্দাল বন্দ্যোপাধ্যায় এই কার্যে আমাকে বিশেষকৃপ সাহায্য করিয়াছেন। তিনি ঐকৃপ সাহায্য না করিলে এই কবিতা কয় ছত্র প্রকাশিত হইত না। তজ্জন্ম তাঁহার নিকট আমি চিরকৃতজ্ঞ।

১৪।১ বেংচেলা গেল,

কলিকাতা

১লা সেপ্টেম্বর ১৯০৫।

শ্রীনরেন্দ্রকৃষ্ণ চট্টোপাধ্যায়।

কামনা ।

হে সুধা ! প্রতুল ! সাহিত্যের বিশাল কাননে
পশিবে যখন, ভূলিওনা—রেখে এরে মনে :
জনকের সর্বনাশ—কামনাৰ বিষপান
নাতনাৰ শৱশয়া—হৃদয়েৰ অর্পণান
শ্রতিৰ সমাধি—বাসনাৰ থাৰুবদ্ধন
শান্তিৰ প্রলয়—সৌভাগ্যোৱ চিৰনিক্ষাসন
নিৱাশাৰ লক্ষ্যবেধ—আকাঙ্ক্ষাৰ কাৱাগাৰ
বিষাদেৱ কুকুক্ষেত্ৰ—জীবনেৱ হাহাকাৰ :
আছে যটে জননীৰ চিত্ৰ প্ৰতিকৃতি ঘৰে
এটী আৱো একথানি দেখি ও নয়নত'ৰে,
কি জানি কি আছে শাপ বৃঞ্জি এৱ অস্ত নাই
আমি ও জননীহীন তোৱাও শৈশবে তাই ।
আৱ না আৱ না দেব ! হয়েছে যৎকৈ মোৱ
এইথানে হয় যেন শাপ নিশ্চা হচ্ছে ভোৱ ।

সূচীপত্র ।

১।	প্রতিবন্ধি	১
২।	কঠহার	৯
৩।	সময় শিক্ষক	১৬
৪।	অহুশোচনা	২২
৫।	উচ্ছ্বস	৩১
৬।	শ্মশান	৩৬
৭।	কূলশয়া	৪৫
৮।	বাসর ঘর	৫২
৯।	আশা সহচরী	৫৯
১০।	শোকে শান্তি	৬৯



শান্তানুরক্ত ল।

প্রতিধর্মি ।

মুখ দেখে যারা, দেখেনা অহঁ তারা,
অনভিজ্ঞ-হৃদয়-বেদনা ।

ত্রিষায় শুষিয়া ফেলে নয়নের ধারা,
বিষাদের বিষম যাতনা ।

মুখ চিনি যার চিনিনা হৃদয় তার
জানিনাকো চরিত্র কেমন ।
কিরূপে বলিব আমি কিবা অচে কার
‘অস্তরেতে নিহিত গোপন ?

অপূর্ণ কাননা কারো আঘাতী হয়
নিরাশাৰ দক্ষিণ মশানে ;

শুশানের ঝুল।

কত চিতা জলে, কত জলে নিবে যাই

জীবনের জলস্ত শুশানে।

উম্মাসে উৎফুল্ল কারো হৃদয়ের দল

অভিনব অনুরাগ বশে।

কাহারো শুকায় সত্য প্রণয়-কমল

হৃদয়ের মানস সরসে।

হেথা কত কেহ আসে কত কেহ যাই,

ব্যক্তি সবে কাষে আপনার।

চরণের ধারে যেই ধরণী লুটায়

সেধারে চাহেনা একবার।

কত কেহ ঢাকি মুখ দূরে যাই সরে

জীবনের উদ্দেশ্য বিফল।

নাহি কি একটী প্রাণ ব্যথিতের তরে

ঝরে ঘার ফোটা দুই জল।

কেহো নিকটে আসি সাহসনার ছলে

ঘৃণা ভরে দু'টো কথা কয়।

কেহ বা চলিয়া যায় দলি পদতলে

নিরাশায় বিষণ্ণ-হৃদয়।

মেহ জর্জরিত, মন বিষাদে মগন

উপেক্ষার কটাক্ষের বাণে।

কারে দেখাইব করি হৃদি উন্মোচন

যে অনল পুষিয়াছি প্রাণে?

শিশীনের ফুল

কেন মানবের ? নাহি অন্ত এ ধরায়
কেহ ? ধরা কি মানবময় ?
আছে রবি শশী তারা গগনের গায়
আছে বনে বিহগ নিচম।
তারা জানে দহিছে জীবন কি আগুণে—
তারা জানে হৃদয়ের ক্লেশ—;
জানিয়া না জানে নর শুনিয়া না শুনে
হংখ তার পরশে না কেশ।
ডাকিলে না দেয় সাড়া নিজ কাষে ধায়
নিজ হংখে কাতর পাগল ;
পরের ঝরিলে অঙ্গ উপেক্ষায় চায়
হংখ তার ভাণ অবিরল।
চাহিনা মানব আমি চাহিনা আদর
বনের বানর যদি হয় .
সেও ভালো, দণ্ড দহ মিশায়ে অস্তর
মরমের কথা যদি কয়।
জানি আমি মানব যে পৃথিবীর সার
তার তরে এ বিশ্ব জগৎ !
তারি তরে হেথা প্রণয়ের অবতার
• কিন্তু তার ব্যতার অসৎ।
নন্দনের কল্পতরু মায়া দেবতার
প্রণয় সে কণ্টকিত ফুল ;

জ্ঞানের ফুল।

কঁটা তাঁর কনকের, পাতা মুকুতার

অঙগ-বিজড়িত মূল।

স্বরগের শাপত্রট দেবের সঙ্গীত

অনুরাগ অমর পর্যায়।

ষাহার জীবনে পথে সে হয় মোহিত

শুঙ্গ সে ঘৃতেতে পায়।

প্রণয়ের রস্তুনি হাল তপস্যার,

ঝৌবন সে দেবের মন্দির,

ভীরুর শীলাগায় কৌতু বিধাতার

যেখা শব্দ অস্ত মিহির।

প্রণয়ের অনুরাগ ঝৌবন জীবনে

সৌন্দর্য সে বিধাতার লীলা,

চির-পৃষ্ঠার চিন শায়দ গগনে

কান্দবী সে পবিত্র-সলিলা,

এ সৌন্দর্য নাহি যার থালি তার বুক

প্রাণ তার ভগ বিপত্যায়,

বসন্ত উদ্যায় দেখে সায়াহের মুখ

সে জীবন ঝড় বজ্রময়।

শুনে যা বিহু ! মোর মরমের গান

দেখে যাবে হৃদয়ের চিন।

গাও টাঙ্ক কাননের সরল পর্যাণ

এ জীবন পঙ্কিনী-বিহুন।

মানবের কাণে বেন পশেনা এ স্বর
 তাদের যে পরাণে পায়ণ—;
 কে জানে গলাবে কিনা তাদের অন্তর
 এ আমার বিষাদের গান।
 খেলুক সে প্রতিধ্বনি গগনে গগনে
 রাব তারায় তারায়—;
 হোক বাতা বিষাদের গহন কাননে
 প্রাতিহত উষায় সন্ধ্যায়।

-:o:-

কঢ়হার।

আয়রে বিয়দ ! জীবনের নিটুরা সঙ্গিণ !
 মরণের অন্তকারে আবরিয়া তনুথানি,
 শুশানের ভস্তুরাশি—মানবের ছিন্নঘাশা—
 দন্ত-হৃদয়ের অশ্র,—নষ্ট-ন্মেহ ভালবাসা,
 প্ৰয়ের পরিণাম—শক্রতাৰ অবস্থান
 মাথি অঙ্গে আয় শোক ! শুনিতে আপন গান
 ডেকে আন্ত অশ্রনীৰে তোৱ প্ৰিয় সহচৱে
 অক্ষিত কপোলে আৱ অবসন্ন কলেবৱে।
 আয় শোক সহচৱি ! আয় তোৱ গলা ধৰি
 বাবেক কাঁদিগো আয় তোৱ তৱে প্ৰাণেশ্বৱি !

শুশানের ফুল।

যাবেনা যাবেনা বৃথা প্রিয়ে ! , প্রণয় তোমার,
যাবেনাকো বিফলে—বিদায় তোমার আমার,
প্রণয়ের বিদায়োপহার—ফোটা হই জল—
নিতান্তই তব তরে ঝরিবেক নিরমল ।

অশ্রসিত মৃত্তিকাতে অঙ্গুরিবে যে মুকুল
জন্মিবে নৃতন তরু ধরিবে নির্মল ফুল ।
যে কেহ আসিবে হেথা লভিবে সুরভি বাস
শোকের বিরাম হবে ইহার শীতল ছায় ।

জুড়াইবে কুস্মমের নির্মল মাধুরি হেরি
সন্তপ্ত পথিক যাবা থাকিবে ইহারে ঘেরি ।

কত ফুল আছে সাহিত্যের বিষাদ উদ্ধানে
কত বিষাদিত প্রাণ—বিরাজিছে এইখানে ;
ক'জনা তাদের পানে চেয়ে দেখে মুখ তুলে
ক'জনা তাদের হেরি আত্মহারা হয় ভুলে ।

বিরলে হেরিব আমি বিরলে লভিব সুখ
লোকমাঝে লোকলাজে ঢাকিয়া রাখিব মুখ ।

হৃদয় কাঁদিলে পরে চাহিব তোমার পানে
বিষাদের ফুল তুমি তুষিবে বিষাদ গানে
যদি কেহ আসি হেথা চাহে উপেক্ষার ভরে ,
এ সুন্দর ফুল মম নহেগো তাদের ভরে ।

উপেক্ষার বিষবাণ হেরিলে ঝরিয়া যাব
তাহাদের আঁধি যেন নাহি এর পানে চাহ ।

উপহাসে কাজ নাই থাকুক ওখানে উট
 শুশানের ফুল ওয়ে—শুশানে থাকিবে ফুটি।
 যৌবনের সন্তাষণে—হর্ষবিষ্ফারিত মনে
 রোপেছিলু হ'জনায়, যে সাধের কুঞ্জবনে
 সাধের কুসুম তরু, প্রেমের বিলাসাগার
 বিনামেষে বজ্রপাতে হয়েছে বিনাশ তার।
 ফুটেনা কুসুম আর ছুটেনা স্ববাস তার,
 গাহেনা বিহগ গান বিলুপ্তি রত্নাগার।
 না বহে মলয়ানিল, না পশে কৌমুদিকর,
 কুঞ্জবন মরুভূমি—নিরালয় ভয়ঙ্কর।
 ঝরিয়া গিয়াছে পাতা, শুকায়ে গিয়াছে লতা
 তরু নাহি দেয় ছায়া হইয়াছে বজ্রাহতা,
 কেবল সে শুক্লতা তরুরে জড়ায়ে আছে
 তরু না ফেলায় টানি ছিন্ন হয়ে যায় পাছে,
 কে জানে কাহার ভরে দাঢ়াইয়া আছে তারা।
 ছিঁড়িলে বল্লরী যদি তরুবর হয় সারা !
 কাজ কি ছিঁড়িয়া তারে থাকুক সে ঐখানে
 আজীবন তরু তারে রাখুক আপন প্রাণে।
 এস হে বিষাদ ! সৌভাগ্যের অনন্ত বিদ্যায়
 কামনার বিসর্জন দাও জলস্ত চিতায়।
 থেকো কাছে আশে পাশে জীবনের সহচরি !
 স্বলিত চরণ হ'লে উঠাইও হাত ধরি।

শুশানের ফুল।

করিয়াছি আবাহন—করো' এই বরদান
বল্লরীর প্রেম যেন ভুলেনা তরুন প্রাণ,
সময়ের আবরণ করিবারে বিমোচন
একমাত্র অবলম্বন তুমি ; খণিবে যখন
ত্রিতীয়ের প্রেম-আলিঙ্গন, তরু দেহ হ'তে
সময়ের তাড়নায়, জাগাইয়া বিধসতে
পরিচিত শৃঙ্গি, উত্তোজিত করিয়া বিষাদে,
'শোকারি' কালের নাম ঘুচাইবে অবিষাদে।
বাধিও যতনে যেন না হয় স্থালিত চূত
যাবত না হয় তরু দাবদু ভঙ্গীভূত।
আগে যদি জানিতাম—সংসারের এত জালা
তা'লে কি পরিতাম প্রেম সঞ্জীবনী-মালা।
প্রণয়-কলিকা গুলি একে একে তুলিতাম
ধীরে ধীরে থরস্ত্রোতে সিদ্ধুনীরে ঢালিতাম।
দেখিতাম যাবত না আঁথি অঙ্ককার পার
অনুরাগ অঙ্গবারি ঢালিতাম অনিবার।
কে আর স্বেচ্ছায় বল নিগড় পড়িতে চায় ?
কোমল কুমুম হার কে আর ঠেণিবে পায় ?
জীবনের উষার আলোকে, ভাতিত যখন
দূরে, যৌবনের ছায়া, ঝৈঝৈ-রেখার মতন,
আধ আলো—অঙ্ককারে, কি স্বপনে জাগরণে,
দেখিতাম সে সৌন্দর্য়জচূস, বিমোহিত মনে।

. সীমা হ'তে সীমান্তের দীপ্তি যাব হেমাভায়,
 ভূলোক দ্যুলোক মাঝে নাহি তার তুলনায় ।
 আলেয়ার প্রতারণে ভূলে যথা পথিকেরা
 যায় দিগন্তে, কিন্তু ভাস্ত নাবিকেরা
 সাগর কল্পে, পড়ি জালে মৃগ-তরিকায়
 কাঁদে যথা মৃগশিশু মরুভূমে পিপাসায়
 কিন্তু জুড়াইবে বলি, পশে পতঙ্গ অনলে
 অথবা অয়স ধায় দূর অয়স্কান্ত বলে ।
 তেমতি রূপের তৃষ্ণা প্রেমের বিলাস হাসি,
 প্রণয়ের ধ্রুব তারা, আকর্ষিল, হেথা আসি ।
 কে জানে কেমন শক্তি প্রেমের মোহন বলে,
 হেনকালে অলক্ষ্মিতে জড়াইয়া দিল গলে
 স্মৰণ কুস্মদাম অনাদ্বাত পরিমল ;
 প্রগায় কৌমুদীময় অলৌকিক হৃদিবল
 শোকে স্থৰ্থে কি সন্তাপে অবিছিন্ন সহচরী
 শাস্তির ত্রিদিব ছায়া অঙ্কিত জীবনেপরি ।
 সে যে অঁধারের ফুল অঁধারে থাকিত ফুট
 অঁধারে ঝরিত তার শিশিরাঙ্গ অঁথি দুঁটি ;
 শোকের বিরাম সে যে অশ্রুধারা তিতিক্ষার
 শাস্তি উপেক্ষার, পুলকের দ্যুলোক-বিহার ।
 কতদিন এ জীবনে উঠিয়াছে শশধর
 বলিয়াছি “প্রণয়িনী” শুনিয়াছি “প্রাণেশ্বর”

শশানের কুল ।

তুবিপ্রাণে সে শশাক শুনীল গগনপাই
কে বলিতে পারে উঠিবেনা সে যে পুনরাবৃ ?
কিন্তু হায় ! উমাদক “প্রণয়নী, আণেশ্বর”
হৃদয়ের বীণা-যন্ত্রে বাজিত বে মধুস্বর ;
এখনো সে চির পরিচিত, বীণার ঝঙ্কার,
বাজিছে হৃদয়ে মম ক্ষীণ প্রতিভবনি তার
(নিরাশার স্তুক কর্ণ) ওনিতে কি পাব আর
এ জন্মে কিন্তু মরণের ষবনিকা পার ?
যে মুহূর্তে বিহুদাম স্নেহে ধরিলাম গলে
ছুটিল ডড়িত-শ্রোত হৃদয় আকাশ তলে,
সে মুহূর্ত আহা ! মানসের জনম নৃতন,
বিষাদের বিসর্জন, সৌভাগ্যের আবাহন
অশাস্তির উৎবন্ধন, প্রণয়ের প্রাণ-পণ
উৎস উৎসবের, কামনার কৌরোদ যন্তন ।
জীবনের অভাব অভাব যুগল মিলন
জগতের শোহ-মন্ত্র প্রণয়ের উচ্চারণ
জগতের প্রতি পরমাণু নৃতনতা মাথা
প্রকৃতির পতাকার যুগল চরিত্র আঁকা ।
শাস্তির ত্রিদিব মক্ষে সৌভাগ্যের অভিনয়
অভিনেতা প্রেম, শ্রোতা তার ঐশ্বর্য প্রণয়,
হৃলিছে বিজলী-হার বিজলী আলোক তার
ভবিষ্য-তিমির-গর্জ উজলিছে বার বার,

অঙ্ককার তাঁগ করি ক্রমে ক্রমে অগ্রসরি
পথ দেখাইয়া চলে শৈশবের সহচরী,
যৌবনের প্রণয়নী প্রণয়ের যজ্ঞস্থলে
গৱল যাহাতে উঠে অমৃত যাহাতে ফলে ।
আধেক জীবন কণ্টকিত সংকীর্ণ পছাড়
পুল্প সুরভিত পথে অমিয়াছি হ'জনাম ;
পেয়েছি বিষমাঘাত কণ্টকের যাতনাম
চিহ্ন যার রক্ত-বিন্দু সমস্ত জীবনে গায়
লভিয়াছি শুখ কুশমের শুবাসে শোভায়
নন্দনের পারিজ্ঞাত লুটায়ে গিয়েছে পায়
শুধের দ্বাদশ-বর্ষ হাত ধরাধরি করি
অমিয়াছি বনে বনে যাপিয়াছি বিভাবয়ী ।
হেরিয়াছি উদয়াল্প শশীর সাগর কুলে
নবীন রবির ছবি দেখেছি দিগন্তস্থলে ।
প্রকৃতির মাধুরীর নিমজ্জন গান শনি
ছিলাম হ'জনে আপনাতে পাশরি আপনি ।
যেতাম যাদের কাছে ডাকিয়া আদৰ করে
দিত যা তাদের ছিল যতনে অঞ্চল তরে ।
কখনো সাগরে ভাসি তরঙ্গের ঘায় ঘায়
প্রেমের শুবর্ণ তরি দিগন্তের অন্তে ঘায়
উপহার দিত লহরীর কবরী ভূষণ—
জলধির রঞ্জ-রাশি মানবের আকিঞ্চন ।

শ্রমশানের কুল।

অবাচিত পেতো দান আকাঙ্ক্ষা- রহিত প্রাণ
কেন বা তাদের পানে চাবে লোভে দু'নয়ান ।
কে জানিত এসংসারে ক্ষুদ্র এই প্রাণাধাৰে
কত শুখ কত হঃখ কত কি থাকিতে পারে ?
নিরানন্দ শ্রোত—হৱের উৎসব সঙ্গীত
আশাৱ ছলনা মায়া ভ্ৰম সংজ্ঞা বিজড়িত,
সদসৎ মিলন বিচ্ছেদ প্ৰেম অপ্রণয়
হাসি কানা শোক শান্তি পাপ পবিত্রতাময়
নিৱাশা লাঙ্গনা—কল্পনাৱ আৰ্শাস বচন
নিদাঘেৱ তাপ, শীত, বসন্তেৱ সমীৱণ
শৱতেৱ ঠাদ, মেঘমুক্ত অৱৰণ কিৱণ
শোভে যুগপৎ এজীবনে জনম মৱণ ।
যাহাৱ কিৱণে দীপ্তি অমাৰস্তা অনুকাৱ
যাৱ সমাগমে কাৰাগাব পুলক আগাৱ
দিবস যামিনী সম নক্ষত্ৰ-থচিত হয়
, শাৱদ শশাঙ্ক উঠে মৃছ সন্ধ্যানিল বয় ;
হেমন্তে বসন্ত আসে অমাৰ চন্দ্ৰমা হাসে
প্ৰকুল্পিত হৃদাকাশে ফুল্ল শতদল ভাসে ।
যাৱ হাসি মুখে প্ৰকুল্পিত বিবৃষ সংসাৱ
যাৱ অশ্ৰুজলে মসি সিক্তি জীবন অঁধাৱ ।
যাৱ সহবাসে নৱক যে স্বৱণ আমাৱ
মুকুতুমি কুঞ্জবন—নিগড় কুসুম হাৱ

যাতনা বিশ্রাম—বিষাদও যে স্থখের আধার
 প্রলয় প্লাবনে সে যে স্থখ শৈলেন্দ্র-বিহার ।
 যাহার অভাবে জীবনের পূর্ণিমা নিশায়
 চিরাবৃত স্থখ বিষাদের তামসী ছায়ায় ।
 নীরব কবিতা ভাষা সঙ্গীত সমাধিগত
 হৃদয় উদ্যমশৃঙ্খ ঘোবন অঁধার মত ।
 হতাশ প্রণয়ে আক্ষেপের সম্পূর্ণ বিকাশ
 ঔদাসীন্ত সর্বকার্যে নিয়ন্ত্রায় অবিশ্বাস ।
 সেই বুকভরা ধন কুসুমের কঠহার
 ভ্ৰোদশ বৰ্ষে একদিন শেষ বৱিষার
 শিথিৰ বিহার হতে নীচে নামিবাৰ কালে
 স্মলিত চৱণে, বিজড়িত কণ্টকেৰ জালে
 প্ৰেময়ন দাঁম, ভৱে দেহ পড়িল ভুতলে
 পালটিতে অঁথি কঠহার ছিঁড়িল সবলে !
 শৱীৰ চেতনা হারা ছিল ‘অবনীতে’ মিশে
 সঞ্জীবনী মালা গেছে জীবন বাঁচিবে কিম্বে ?
 শৈশবে বাঁধিল যারে অঞ্জলেৰ গ্ৰহি দিয়া
 ঘোবনে তাদেৱে নিয়ে হিয়াতে বাঁধিল হিয়া ।
 সেই সহচৰী প্ৰণয়েৰ গ্ৰহিচ্ছেদ কৱি
 ‘বিজনে’ বিহৱে অজ্ঞাত পদবী অহুসৱি ।
 সে অবধি এজগতে ভৱি আৰি আত্মহারা
 যেন সৌৱ জগতেৱ কেন্দ্ৰপ্ৰষ্ট গ্ৰহ তাৱা ।

শশানের কুল ।

লক্ষ্যহীন, সত্যে মিথ্যা, নৃতনে পূর্ণান জ্ঞান
অসামর্থ্য স্মৃতি ভুলে যায় হৃদয়ের গান ;
পর্বতে বুবুদু ভাসে অনল সাগর গায়
উচ্ছ্বালে অনিয়মে জীবন বহিস্থা যায় ।
না ফুটিতে ফুল শোভা স্ববাস বারিয়া যায়
না উঠিতে মিশে শশী নীল গগনের গায় ।
না হইতে শতাব্দীর চতুর্থাংশ সম্পন্ন
জীবনের মহাত্ম সৌভাগ্যের উদ্যোগন ।
বহুক্ষণ পরে চেতনার বিষম যাতনা
পশ্চিম হৃদয়ে, বিষাদের পূরিল বাসনা ।
বিষাদের হাত ধরে উঠিলাম ধীরে ধীরে
মেলিলাম আঁধি, চারি দিক্ আচ্ছন্ন তিমিরে ।
মধ্যাহ্নে রঞ্জনী হেরি আশঙ্কা হইল প্রাণে
কে যেন কোথায় থেকে বলে দিল কাণে কাণে
সেই কুসুমের হার বিজলী আলোকাধাৰ
নাহি গলে তোৱ কিসে তোৱ ফুচিবে আঁধার
বিজলিরে যথা অমূসনে অশনি নিপাত
দিবা রঞ্জনীরে ; অনিছায়, তেমতি এহাত
কষ্ঠ পৱশিল, নাহি সেথা সে অমূল্য-হার
দরিদ্রের কহিনুৱ জীবনের অহকার,
শেষ বরিষাস, মনে হলো শিথৰ বিহার
স্থলিত চরণে, বিধিত গ্রহি মালিকার ।

কণ্টকের জালে, জীবনের অতট পতন
 চেতনা বহিত, বিষাদের মন্ত্র সঞ্চীবন ।
 কে জানিত আগে ফুলদল কঠিন এমন
 কর্কশ তেমন, তুষারের স্তাপ যেমন ।
 ঘুচিয়াছে কঠহার, ঘুচে নাই সব তার
 এখনো এখনো কঠে ক্ষত দাগ চক্রাকার;
 প্রত্যেক পরশে ক্ষত হিণুণিত ধাতনায়
 বিষম বেদনা জালা আৱ নাহি সহা যায় ।
 সান্তনা মলয়ানিলে কিম্বা স্নিফ বিলেপনে
 শতঙ্গ উঠে জলি অনিবার্য হতাশনে ।
 ছিঁড়িয়াছে কঠহার নাহি কি গলায় হার ?
 আছে হার স্তাপিত বিষাদের অঙ্গতার ।
 না বহে মলয় বায়ু যেমন বহিত আগে
 নিরাশ হৃদয়ে আৱ কিছু নাহি ভালো লাগে ।
 হেমন্তের শিশিরাঙ্গ বসন্তের ফুলভার
 বুমনী অধৱ নেত্রে নাহি মধুরতা আৱ
 মেঘেতে বিজলী হাসি শারদ পূর্ণিমা আলো
 কালের শাসনে আজ সেও ত না লাগে ভালো ।
 এ জীবন সাহারায় মৃত্যু মৃশীতল জল
 • নিরঞ্জন উপায়হীনের শরণ সহল
 অরণ্য জাহুবী জলে ধাতনার মুক্তিমান
 অরণ্যের কোলে জুড়ায় এ তাপদণ্ড প্রাণ ।

শুশ্রানের ফুল।

কে জানে মানব কেন মরণেরে নাহি চায় ?
 অ'লে শোক ঘুচে নিরাশার আশুন নিবাস ।
 এ জনমে দেখা যাবো কি না পাবো আর
 মরণের অন্তরালে পেতে পারি দেখা তাৰ ।
 চারি চক্ষে সেই দিন না যদি হইত দেখা
 তা'হলে কাটিত সুখে সারাটি জীবন একা ।

সময়শিক্ষক ।

সময় ! তোমার কোলে হ'য়েছি পালন,
 তোমার আজ্ঞায় বহি এ পাপ জীবন,
 আসিলাম এ জগতে প্রথম যখন
 নিজে আছি। এই জ্ঞান ছিলনা তখন ।
 পরে শিখিলাম ‘আমি’ তব মহিমায়
 ‘তোমার’ ‘আমার’ ভিন্ন ‘তোমায়’ ‘আমায়’ ।
 ‘আমি’ দৃশ্যমান ধৰা হইতে পৃথক
 বোধেদয় স্মৃতিলাভ হইল কতক
 ধীরে ধীরে স্মৃতি আসি করিল সংক্ষয়
 জ্ঞান চিন্তা নানাভাবে পূরিল হৃদয় ।
 কে জানিত সে সময় প্রেম কি জিনিয়
 তুমি চেলে দিলে হৃদে প্রণয়ের বিষ ।
 তুমি শিখাইলে পোড়া : পরের ভাবনা
 অর্থলাভ অনুরাগ দুর্জয় কামনা ।

•

সময়! সামৰে আজি শিখাও আমায়
জীবনের প্রণয়নী নাহি এ ধৰায়।
কেন হে বিৰত আজি শিখাতে আমায়
শৈশবের সহচৰী নাহিক হেথোয়।
অঁধিৰ আড়ালে যেতে দিতাম না যাবে,
জনমেৰ শোধ বিদ্যায় দিয়াছি তাবে।
বহুতৱ দুঃখ কষ্ট জলিছে পৱাণে
জুড়ায় সে সব সামৰনা শীতল গানে।
কিন্তু এই চিৱকাল দহিবে জীবন,
এজনমে দেখা তাৰ পাবনা কথন।
পারিলে না শিখাইতে আজি আমায়
যৌবনেৰ সোহাগিনী নাহি এ ধৰায়।
বল কতদিন একুপে কাটিবে আৱো
সন্দেহ শিখাতে তুমি পাৱো কি না পাৱো।
কথনো ঘুমেৰ ঘোৱে, আপন শয্যায়
'ফেলিয়াছি হাত পৱশিতে তাৰ গায়;
কোথা তাৰ দেহ তাৱে পৱশিবে হাত
সেতো নাহি হেথা মনে হইল হঠাৎ।
হায়! হায়! কি কপাল সে নিৱাশা চিৱকাল
যতদিন দেহে প্রাণ থাকিবে আমায়
ততদিন ঝৱিবে সে অঞ্চ নিৱাশাৰ।

শুশানের কুলঃ।

একদিন নিশাষোগে নিদ্রায় স্বপ্ন-
দেখেছি সে মুখধানি জীবন্ত মরণে,
নহে মৃত্যু-কলঙ্কিত রোগ-ক্রুশ কায়া
শান্তি-মাথা সুহাসিনী লাবণ্যের ছায়া ;
ভাসিল যে কুণ্ডবিভা আমার নমন
সন্দেহ দেখেছি কিনা জীবন্তে তেমন ।
মুক্তকেশ নীলাঞ্জ প্রস্ত্রিয়া ছই ভূজ
আসিছে আমারে দিতে প্রেম-উপহার
ছলিতে আমার গলে বিদ্যুতের হার ।
কহিছে মনের কথা স্বৰ্থহঃথ তার
প্রণয়ের সন্তানণ জীবনের সার ।
তুলি বাহু ধরি ধরি আমিও যেমন
স্বর্ণপ্রতিমারে, মোর টুটিল স্বপ্ন ।
কেন ভেঙ্গে গেল আহা সে স্বৰ্থ স্বপ্ন ?
কেন রহিল না ধরি সমস্ত জীবন ?
হেন বাস্তবতা যদি স্বপ্নেতে রহে
কেন মিছা জাগরণে এজীবন বহে ?
স্বপ্ন সে জাগরণ চেতনা আমার
স্বপ্নের কোলে আশা পাবো দেখা তার ।
দিবালোকে জাগরণে অসাধ্য যে দেখা
অঁধারে স্বপ্ন দেখা সে দেখায় একা ।
স্বপ্নরে ! তাই তোরে এত ভালবাসি
মরণের প্রাণ তুই ঝোদনের হাসি ।

চাহিনা জন্ম আমি, চাহিনা জীবন
 বাবেক দেখায় যদি সে বিধুবদন,
 কি নিদ্রায় জাগরণে কি মোহস্পনে
 দেখিব কাদিব আমি আপনার মনে ;
 চাহিনা ছাঁইতে তারে দেখিব কেবল
 নয়নের দেখা, নয়নে ঝরিবে জল,
 এও পাইব না ? এ হঃখ রাখিব কোথা ?
 হিয়ায় গোপনে ? হিয়াটি বজরাহতা ।
 ফাটিয়া পাষাণ হৃদি বহে নেতৃধার
 তাই শোভে গলে মম অঙ্গ-কৃষ্ণহার ।
 থেকে থেকে দিনরাত কেঁদে উঠে মন
 এজগতে তোর সনে হবে না মিলন ।
 নিশায় সন্ধ্যায় কিঞ্চিৎ প্রভাত সমীরে
 দিবসের কার্য সেৱে ঘৰে আসি ফিরে,
 দেখি সে শয়নাগার, বিনষ্ট সৌন্দর্য যার,
 ছিল তার ছিল যবে ছিল প্রণয়নী
 সে শোভা সৌন্দর্য এবে অতীত কাহিনী !
 পারিলে না শিখাইতে আজিও আমায়
 জীবনের সোহাগিনী নাহি এধরায় ।
 সম্য মঢ়নিল হার বিগলিত অঙ্গধার
 বহিল, ভাসিল গও, পৱাণ, হৃদয় ;
 অনেক ঘাতনা দিল নিষ্ঠুর প্রণয় ।

শ্রীশানের কুল।

এসো দেখি একবার শিথাও আমাৱ
ভুলিতে সে মুখধানি অতুল ধৰায়,
যেমন বালুকা মাৰে বিফলে না যাব
প্ৰত্যেক উদ্যমে পদ গ্ৰাসে বালুকায়।
তেমতি সে মুখধানি ভুলা নাহি যাব
শুতি যেন খালি সেই মুখ পানে চায়।
কিন্তু কিন্তু তাৰে ভুলিব বল না,
সেই মুখধানি ভূভাৱতে অতুলনা।
কেমনে ভুলিব বল সে বিষেৱ জালা
সে যে গাঁথিয়াছে এক কণ্টকেৱ মালা,
ফুল তাৰ বিজড়িত কাঁটায় কাঁটায়,
ছুলে একগাছি কাঁটা সব বিঁধে গাব,
টানিলে একটী কাঁটা সব নড়ে চড়ে
হেরিলে একটী ফুল সব মনে পড়ে।
হেন কণ্টকিত মালা দুলে ধাৱ গলে
অবিৱল ভাসে সেই বিষাদেৱ জলে।
থাকি যবে অন্তমনে, নিৱজনে বদ্ধসনে,
কিংবা কৰ্মসূলে নিজ কাৰ্য্যজ্ঞে মগন,
না ভুলেও থাকি যেন ভোলাৱ মতন,
উঠিলে সে কথা প্ৰাণে, হৃদয়ে বজৱহামে,
হাস্তপৰিহাস লীলা সব যুছে ধাৱ
জীবন—বিষাদমাথা আঁধাৱে লুকায়।

•
 ସେ ଧାରେ ନୟନ ଚାମ ଚିକ୍କ ଦେଖି ତାର
 କି ସାଗର କି ଅସ୍ଵର ସମ୍ମତ ସଂସାର ।
 ପାତାର ନୀଲିମା ମିଶେ ଅସ୍ଵରେର ନୀଲେ
 ଲହରୀ ଲହର ସନେ, ଅନଳ ଅନିଲେ,
 ଗାଛେ ସେ କୁଞ୍ଚମ ଫୁଟେ ପବନହିଙ୍ଗୋଲେ
 ଚୁଷେ ନିଜ ପ୍ରଣିନୀ ସୋହାଗେତେ ଦୋଲେ,
 ଜନ୍ମେ ସଦି ଲତା ଏକ ତକ୍କବର ପାଶେ
 ତାରେଓ ସମସ୍ତେ ବାଁଧେ ଲତା ଭୁଜପାଶେ ।
 ଦୂରେ ସେ ସରସୀ ହାସେ ତାତେଓ ଚଞ୍ଚମା ଭାସେ,
 ତାତେଓ କିରଣ ନାଚେ ତରଙ୍ଗେର ପାସ୍ର,
 ନୀଳ ଜଲେ ନୀଳ ମେଘ ଭାସିଯା ବେଡ଼ାସ୍ର ।
 ବିଦାରିଯା ଭୂମିତଳ ଉଠେ ତକ୍କଶାଥାଦଳ,
 ଫୁଟେ ଫୁଲ ଛୁଟେ ବାସ ଅଲି ଲୋତେ ଧାସ,
 ବିହଗବିହଗୀ ତାୟ ସନ୍ତ୍ରୀତ ଶନାୟ ।
 ଯୁଗଳ ମିଳନ ଯୁଗ୍ମ ପ୍ରକୃତିର ଗାନ
 ପ୍ରକୃତିର ପତାକାୟ ଆଂକା ଯୁଗ୍ମ ପ୍ରାଣ ।
 ଯେଉଁନ ଭୁଲିତେ ଚାମ ଦୁଃଖ କବିତାୟ
 ମରଣେ ସେ ଚାହେ ପ୍ରାଣ ସାନ୍ତ୍ଵନା ଚିତାୟ ।
 ଯେ ଅନଳ ଅବିରଳ ଜଲିଛେ ହିମାୟ
 ସନ୍ତ୍ରୀତ କବିତା ଭାଷା ପରଶେନା ତାୟ ;
 କଥନୋ ସକାଳେ ସାଁବେ ଆଁଚ ତାର ଗାସେ ବାଞ୍ଜେ

শুশানের কুল ।

তাতেই ঠাওর পায় কি তেজ আগুণ
কে জানে যে হবে না সে কালে দশঙ্গ ?
জুড়াবে এ জালা আমাৰ চিতাৰ সনে
ভুলিব না তাৱে প্ৰাণ আছে যতক্ষণে ;
কিৰূপে সময় ! তুমি ভুলাবে আমাৰ
এত নহে ভুলিবাৱ ; একি ভুলা যায় ?
শিখাইতে ভুলাইতে অক্ষম স্ময়,
কল্পনে ! কৱহ আসি সমস্তা নিৰ্ণয় ।

-:0:-

অনুশোচনা ।

কে বলে মামৰ উন্নতিৱ সীমা
প্ৰকাশে বিধিৰ স্মজনমহিমা ?
কে বলে তাহাৰ অপূৰ্বকৌশল
মেধা চিন্তা শক্তি মতি বুদ্ধি বল ?
—নাহি জানে তাৱা কি আছে কপালে
নাহি জানে তাৱ কি হইবে কালে,
থাকে যত দিন চিনিতে না পাৱে
বুৰুলিলে অভাৱ ভিজে অক্ষধাৱে,
গলায় আমাৰ ছিল সে যথন
বুৰি নাহি সে যে কি অমূল্যধন ।

•
 নাহি তাই তার বুরেছি মরম
 মানব-প্রকৃতি কি এক রকম।
 বুরে ও বুরে না করে ভাবনা
 মানবের রীত গতানুশোচন।
 হৃদয় আকাশ পৃথিবী যথন
 প্রণয়ের পূর্ণ প্রবাহে মগন;
 ভেবেছি তখন প্রণয় অমর
 না পরশে তাম বিচ্ছেদের কর,
 একপে প্রবাহ হেলিয়া দুলিয়া।
 সমস্ত জীবন যাইবে বহিয়া।
 কে জানিত হেথা হিতে বিপরীত
 স্বসংযোগ নহে বিধাতার নীত,
 বিচ্ছেদ প্রণয়ে, মৃণালে কণ্টক,
 কীট ফুলদলে, নিগঞ্জ কনক,
 মণি ফণিশিরে সুধা রাহুকরে,
 চন্দনপাদপ ধূত বিষধরে,
 স্বরগের পথে কণ্টক কঙ্কর,
 পাপ-পথ স্নিঘ শীতল সুন্দর,
 আছে বিভীষিকা বিরাম নিদ্রায়
 • চিন্তা জাগরণে ভাস্তি কল্পনায়,
 বিজলিতে হাসি অশনি নিঃস্বন
 প্রমোদে বিলাপ, জন্মে মরণ।

শ্রান্তের কুল।

ছিল সে যখন ছিল এ বামিনী
ফুটিত সরসে এই কুমুদিনী,
হেলিত হলিত লহরে লহরে
ছুটিত সোহাগ অন্তরে অন্তরে,
হাসিত এ শঙ্গি আকাশের গায়
নাচিত কিরণ তরঙ্গের ঘায়,
গগন-গবাক্ষে তারকা-নয়ন
একপে হেরিত ছইটা জীবন।

এই সমীরণ তুলি গন্ধচন্দ
তুষিত সাদরে ছইটা হৃদয়
এ কিরণে ঢালি ছইটা পর্বণ
শুনিত কেবল প্রকৃতির গান।

নব-কুমুদিত লতার মতন
আপন লাবণ্যে আপনি মগন
আপন সৌন্দর্যে আপনি বিভ্রত
নব-বিকসিত যুথিকার মত,

ঐ যে তপন খেলিছে গগনে
হাসিছে কমল সরসী-জীবনে,
হলিছে লতিকা সমীরণভরে
নাচিছে সলিল লহরে লহরে,

একপে খেলিত হাসিত হলিত
নাচিত জীবন সঙ্গীত শুন্ত,

শুশানের কুল

ছিল মুঢ়কুলী কি এক জিনিস
সাথে সহচরে সঙ্গে অহনিশ,
পরশ-মাণিক পরশিতো যায়
সেইত ধরিত কনকের কায়,
নাহি সে পরশ-মাণিক আশার
এখন উজল হৃদয় অঁধাৱ
এখন জীবন সমাধি শুশান
এক বিলু স্নেহ শোণিত সমান
এক ফোটা জল প্ৰবাহ প্ৰবল
এক কণা বক্ষি শত দাবানল
সুখ-প্ৰস্বৰণ হৃঃথেৱ লহুৰী
আশাৱ আলোক বিষাদ শৰ্কুৰী।
চাকু মনোহৱ যা' কিছু সুন্দৱ
যা' কিছু মধুৱ সব হৃঃথকৱ।
নাহি প্ৰফুল্লতা উচ্চ অভিলাষ
আশাৱ উৎসাহ প্ৰণয়ে পিয়াস
নাহি ভালবাসা বিভ্ৰম বিলাস
হৃদয় পৱাণ জীবন উদাস,
পূৰিত অতুল সৌন্দৰ্য নিৰ্যাস
সেই মুখ খানি চিঞ্চা বাৰমাস।
এক এক শশী বারেক হসিতে
সমস্ত জগৎ একটা অঁথিতে

শৰ্থানের কুল ।

একবার কথা দেহ প্রাণপণ,
এক ফোটা জলে আত্ম-বিসর্জন ।
সেই শুধুটিতে বিশ্ব-বিনিয়ম
করিলেও কিরে পূরিত হৃদয় ?
বিসর্জে প্রতিমা লোকে গঙ্গাজলে
স্বর্ণপ্রতিমারে দিলাম অনলে ।
রাধি নাহি তারে আদরে ষড়নে
ধরি নাহি তারে হৃদয়ে জীবনে ।
আদরেও যেন মৱমপীড়িতা
সোহাগ পরশে সদা সঙ্কুচিতা,
কাননের লতা কানন খঁজিয়া
বিশ্রাম লভিত আমারে বেড়িয়া,
সেই তার ছিল সোহাগ আদর
তাহাতেই শুধী প্রফুল্ল অস্তর,
এক দিন এক প্রবল ঝটিকা
ফেলিল ছিঁড়িয়া সোহাগ-লভিকা,
যদি জানিতাম ঝটিকাৰ ভৱ
সহিবেনা তোৱ কোঘল অস্তৱ
তাহলে সঞ্চিত সোহাগ আদরে
সাজাতেম তোৱ বপু থৱে থৱে,
প্রাণে প্রাণে ধালি দিত আলিঙ্গন
হৃদয়ে হৃদয় জীবনে জীবন ।

ছিলি হৃদয়েতে দেবীর মতন
দিত তোরে আরো উচ্চ সিংহাসন,
রাখিতাম তোরে নয়নে নয়নে
সাথে সহচরে বিরহ মিলনে
যদি তোর কিছু থাকিত প্রয়াস
চালিয়া শোণিত পূরাতেম আশ,
মেহ ভালবাসা প্রণয়-কুসুমে
সোহাগ আদর যতন-কুকুমে
প্রণয়ের হাসি অঙ্গ-গঙ্গাজলে
প্রণয়ের ফুল ফল বিলুদলে
পুজিতাম তোরে প্রাণের প্রতিষ্ঠা
হেরিতাম তোর সৌন্দর্য মহিমা ।
ছিলি জীবনেতে যেন অভাকর
তোর তেজে দীপ্তি আমি শশধর,
কনকের দীপ আমি সে দর্পণ
তুইসে প্রতিভা কল্পনা এ মন ।
যদি আনিতাম ঝটিকার ভর
সহিবেনা তোর কোমল অস্তর
তাহ'লে প্রণয় হতো কি এমন
ক্ষণেকের রেখা তড়িত যেমন ।
হতো শৈলে শৈলে বজ্র-বন্ধন
সাগরে সাগরে দৃঢ় আলিঙ্গন,

শ্রীনের ফুল।

সাগর শুকাতো পর্বত ভাসিত
তবুও তাদের গ্রহি না টুটিত।
ছিল এ সময় যখন জীবনে
হাসি কান্না হাসি হতো ক্ষণে ক্ষণে
সংক্ষীর্ণ হৃদয় মন সঙ্কুচিত
হয় সুখে নয় দুঃখে অপূরিত
তখনো জীবনে বহিত্ ঝটিকা
ফুটিত তপনে কমল-কলিকা
তখনো জীবনে জলিত অনল
ঝরিত নয়নে অশ্র অনর্গল
এতটুকু স্নেহে আদরে যতনে
ভুলিত যা' কিছু ছিল তার মনে,
পরশ মণির কি আশ্চর্য শুণ
নিভাতো ঝটিকা নিভাতো আগুন,
কেনরে মিলিয়া বালক বালিকা
গাঁথিয়া আপন ভবিষ্য মালিকা,
পরাইতে চাম ধারে ভালবাসে,
এক সাথে বন্ধ হয় তার পাশে।
অনলের তাপ ঝটিকার ভর
বুঝে নাই বুঝি প্রচণ্ড প্রথর,
তাহলে কি তারা যাইত সে স্থলে
সলিল ভাবিয়া পশিতে অনলে।

অংসুরা অমুরাবতী বিনিময়ে
হয়না তেমন আনন্দ হৃদয়ে ;
দেখিলে শুন্দর অঁধি নাহি চায়
হ'নয়ন ধারা ধরণী ভিজায় ।

শুনিলে সঙ্গীত শুন্দর লহরী
শোকমগ্ন হিয়া দিবা বিভাবৰী ।
পুরিয়াছি প্রাণে এ বিশ্ব সংসাৰ
তবু যেন কিছু বাকি আছে তাৱ ।

দেখিয়াছি চান্দ পূর্ণিমা গগনে
যেন কি জিনিষ নাহি তাৱ সনে ।

প্ৰশস্ত হিয়ায় মানব মণ্ডলী
পাইয়াছ স্থান তবু বনহলী ।

এখনো নিসর্গ ক্লপেৱ নিলম্ব
অতীতেৱ যেন শৃতিচিহ্নয়
ঐ ষোবনেৱ প্ৰমোদ উদ্ঘান
উথলিত যেথা হাসি অক্ষ গান ।

ঐ দেখো ঐ শয়ন-আলয়
সুখেৱ সমাধি শান্তিৱ প্ৰেলয় ।

যেখানে সেকালে পলকে পলকে
উথলিত প্ৰেম বলকে বলকে
হায় ! সে এখন প্ৰশস্ত শ্ৰশান
চিতা আগুণেৱ দণ্ড অবসান ।

ଅଶାନେରୁ ଫୁଲ

ତୁକାଳେ ସଗିଲ ତଡ଼ାଗ ସେମନ
ବିଦଲିତ-ଶୋଭା କୁଞ୍ଚମ ଯତନ ।
ମେ ଦିକେ ନୟନ ଚାହିବେନା ଆର
ହୟ ଲୟ ହୋକ ମସନ୍ତ ସଂସାର ।
ଯେ ଧାରେ ତାକାଇ ଥାଲି ମେହି ଦିକ୍
ଚାମ ଶୃଙ୍ଗ ପାନେ ଦୃଷ୍ଟି ଅନିମିକ ।
ଶୃଙ୍ଗ ଏ ପୃଥିବୀ ଶୃଙ୍ଗ ଏ ଜୀବନ
ବିହଗାପହତ ପିଞ୍ଜର ସେମନ
ଥାକେ ଥାକେ ମନ ସଦା ମଚକିତ
ଯେନ କି ଜିଲ୍ଲିସେ ଜୀବନ ବଞ୍ଚିତ ।
ଏଥନ ଜୀବନ ସମାଧି ଅଶାନ
ଏକ ବିଳୁ ମେହ ଶୋଣିତ ସମାନ
ଏକ ଫୌଟା ଜଳ ପ୍ରବାହ ପ୍ରବଳ
ଏକ ଟି ଫୁଲିଙ୍ଗ ଶତ ଚିତାନଳ,
ଏକ କଣୀ ଶୁଦ୍ଧ ଅଶନି ନିପାତ
ହାସି ଦିଗ୍ଦାହ ତାରା ଉକ୍କାପାତ
ପୂରିତ ଅତୁଳ ସୌନ୍ଦର୍ଯ୍ୟ-ନିର୍ଧାସ .
ମେହି ମୁଖଥାନି ଚିଞ୍ଚା ବାରମାସ ।

উচ্ছাস।

কার কাছে যাই, কাহারে দেখাই
 চিবিয়া আমার পাষাণ বুক।
 কে আছে জগতে আমার আপন
 কে দেখিবে সেখা বিষাদ শুখ।—?
 হঃখে বিষাদিত শুখে আমোদিত
 কে আর আমার এখন বল?
 হাসিলে হাসিবে কাঁদিলে কাঁদিয়া
 মিশাবে নয়নে নয়ন জল।
 এত টুকু শেহ এত টুকু শুখ
 অসহ সংসার বিষাদ-ভার;
 হ'জনে সমান ভাগা ভাগি করি
 বহিয়া শুধেছি প্রাণের ধার।
 এখন এ প্রাণ একা অসহায়
 নাহি শুখলেশ নাহিকো সখা।
 সমস্ত হৰ্বহ বিষাদের ভার
 • বহিছে জীবন বহিবে একা।
 তাতেই কি প্রাণ এত কষ্টকর
 অসহ বিপদ যাতনা-মাথা,

ଶୁଣାନେର ଫୂଲ ।

ଅଥବା ଅତୀତ ଶୁତିର ଆମେଥ୍ୟ
ବର୍ଷମାନ ଛବି ଉଜଳ ଆଁକା ।
ନାହି କେହ ଯମ ଏଥନ ଏମନ
ଚାପି ନିଜ ଛଃଥ ହୁଦୁମତଳେ
ହାସିମ୍ବା ଆଦରେ, ସାମ୍ବନାବଚନେ
କାଂଦିଲେ ମୁଛାସ ନୟନଜଳେ ।
ତବେ କାର ତରେ କରିବ ସଙ୍ଗ୍ୟ
ବିଦ୍ଧା ଯଶଃ ମାନ ପ୍ରତିଭା ଧନ
ଶୁଥେର ଲାଲସା ମେ ଯେ ମିଛେ ଆଶା
ତବେ କାର ତରେ ଧରି ଜୀବନ ?
ଯେ ବଲିବେ ଭାଲୋ ବଲିମ୍ବା ଏ ପ୍ରାଣ
ଉତ୍ସମ ଉତ୍ସାହେ ନାଚିତ ମନ
ଯାର ଆଁଥିତେ ଝରିତ ଲାବଣ୍ୟ
ପ୍ରେମୋଦେ ଲୀଲାୟ ମାତିତ ମନ ।
ଯେ ବାସିଲେ ଭାଲୋ ଜଗତ ମଧୁର
ସାର୍ଥକ ଜୀବନ, ସାର୍ଥକ ଧରା
ଚାହିନା ନଳନ ପାରିଜାତ ଶଟୀ
ପେଲେ ମେ ଆନନ ଆମୋଦେ ଭରା ।
ଏଜୀବନେ କିଂବା ଜନ୍ମ ଜନ୍ମାନ୍ତରେ
ବଲ୍ ତାରେ ବିଧି ! ପାଇବ କିନା ?
ଛିନ୍ନ ତାରେ ଆର ପରିଚିତ ଶୁରେ
ବାଜିବେ କି ଥୁନଃ ହୁଦମେ ବୀଣା ?

কে জানে বিধির এ কেমন রীত,
 দেখিতে না দেয় স্বৃথ কেমন,
 না পুরিতে আশা না মিটিতে সাধ
 কেড়ে নিয়ে যায় প্রাণের ধন।

আজন্ম সৌভাগ্য বক্ষিত হইয়া
 কোদে কত লোক রজনী দিবা,
 না ছুটিতে ফুল স্ববাস হারায়
 এ জগতে হায় হয়, না কিবা ?

যে বাসিলে ভালো জগত মধুর
 সার্থক জীবন সার্থক ধরা,
 চাহিনা নজন পারিজ্ঞাত শচী
 পেলে সে আনন আমোদে ভরা।

বল তপস্ত্যায় ফিরে এ জীবনে
 বল তারে বিধি পাইব কি না ?

ছিন্ন তারে আর পরিচিত স্মরে
 বাজিবে কি পুনঃ হৃদয়ে বীণা ?

বলনা অনল ! বল কি করিয়া
 ছাই মাটি হলো সে দেহধানি,
 দেখিস্নি কিরে সে মুখের হাসি
 • উনিস্নি কি সে মধুর বাণী ?

হনা কেন তুই যতই নিঠুর ;
 গাক তোর বুকে বাধা পাখণ :

শুশানের ফুল :

গুণিলে সে বাণী, দেখিলে সে 'হাসি
কি করিছে তোর ভাবিত প্রাণ .

এত ভালবাসা যতন আদর
বল্না আমায় ভুলিলি কিসে ?

এক্ষেপে কি যত সাধের জিনিস
ছাই মাটি হয় মাটিতে মিশে ?

যে অমিস্ত হৃদি পূর্ণ পরিমলে
পবিত্র প্রণয় সঙ্গীতে ভরা,

যে নমন ছটী পুলক আধাৱ
সুচাকু শোভায় জুড়ানো ধৰা .

যে মুখের হাসি, কুমুমের শোভা
হৃদয়-প্রাবন অনন্তসুখ ;

যে শরীরে ক্ষুদ্র লাগিলে অঁচড়
কান্দিত জীবন, ফাটিত বুক।

সেই মুগ চোখ অধৱ হৃদয়
ছাই মাটি হলো অঁথির পরে

কে জানিত আগে প্রাণে এত সংয়
ফাটেনা যে প্রাণ যাতনা ভৱে ?

এই হাত কত আদরে যতনে
রাখিত তাহারে সোহাগে বুকে ;

তুষিত তাহার অপূর্ণবাসনা
সেই হাত দিল আগুন যুথে ।

এই চোখে কত দেখেছি লাবণ্য
 বালিকা যুবতী তনৰ-মাৰ,
 সেই চোখে আজি দেখিছু সন্মুখে
 সে মূৰতি ভৱ ভাসিয়া যায়।

কাটেনি হিয়াৰ চৰ্ম আবৱণ
 বিদীৰ্ণ শতধা অন্তৱ প্রাণ ;
 বিচুৰ্ণ অন্তৱ আঘাতি হিয়ায়,
 তুলিছে কথনো অশুট গান।

কেন গাঁথি হার কবিতা-কুসুমে
 ফেলিনা ছড়ায়ে শ্রান্তভূমে ?

বাসে বিদুৱিত হতে পাৱে কারো
 লিপ্ত ধাৰ হৃদি চিতাৰ ধূমে।

মধুৰ সন্তোষি হাসি কেহ বলে
 কায কি পরিয়া প্ৰণয়মালা ?

জানি আমি নহে প্ৰণয় অমিশ্র
 একাধাৱে সুখ বিষাদ ঢালা।

কথনো কথনো ভাবি মনৈ মনে,
 প্ৰণয়েৰ চেয়ে অভাব ভালো।

অঁধাৱে হাসিব অঁধাৱে কাঁদিব
 • অঁধাৱ(ই) হইবে আমাৰ আলো।

হৃদঙ্গে প্ৰণয় ভাসিয়া কি যায়
 যেন ছেলেখেলা বালিৰ ধাধ ?

শ্রীশানের কুল।

বজ্র-বৎসে মুকুতার জালে
ধরিতে চাহে সে অন্ত টাঁ
নাই প্রণয়িলী নাই ক্ষতি নাই
চিল এককালে এইত শুধ
সারাটি জীবন কাটাবো একাকী
বাবিল্যা কল্পনা পাবাবে নুক।

--:০:--

শ্রীশান।

অই কি শ্রীশান হাব ! সে নিষ্ঠম শান
অগ্নি জলে মনে দেহে ; হয় অবসান
চির জীবনের যত সঞ্চিত বাসনা
কামনা বেদনা ক্ষমা লাঙ্গনা গঞ্জনা—
ভঙ্গে হয় পরিণত। অন্ত নির্বাণ—
মৃক্তি পায় জীবগণ ; নশ্বর পরাণ—
অবিনশ্বরের সাথে—নিমগ্ন লীলায়।—

এত নহে লীলাভূমি ? যাতনা জালান্ন
নিভাইতে মানসের প্রবৃমিত শিখা
পথে প্রজ্জলিতাপ্তিতে ; অনল পরিধা
নিভাম যত্নণা জালা।—বহে অবিরাম
অন্ত নিদ্রার কোলে ; অন্ত বিশ্রাম—
আলিঙ্গন করে তারে।—

এখানে কি হাস্ত !

বাঁধিয়া পাষাণ বুকে জলি বেদনায়
অধীর শরীরে সংপে অনঙ্গের কোলে
প্রাণের পুতুল নর। নমনের জলে
ভাসি ফিরে শৃঙ্খ হৃদে !

বস্তু পরিজন !

আনন্দ নির্দার স্মৃতি হেথা কি এখন ?
করিছ কি পুণ্যতর পদরেণুকায়
পবিত্র শ্রান্ত ভূমি ভস্ম মৃত্তিকায় ?
দেখিয়াছি ঝটিকাঞ্চে শান্তি জলধির
যুক্তাঞ্চে সমরক্ষেত্র, কিংবা প্রকৃতির
দেখিয়াছি প্রলয়ান্তে মৃত্তি ভয়ঙ্কর।
বিশৃঙ্খল অঙ্ককারে বিশ্চরাচর
আপনি করেছে গ্রাস আপন জীবন।
দেখিয়াছি দেখি নাই সে দৃশ্য তৌষণ—
যে দৃশ্য দেখালে আজি ওহে ভগবান्
অসাধ্য সে ভোলা। যতক্ষণ দেহ প্রাণ
সম্বন্ধ আমার ভুলিব না ততক্ষণ—।
মরণের রঞ্জভূমি জীবন্ত মরণ।
• লোকে বলে মানবের উন্নতির স্থান
এই সে শ্রান্ত ! কিন্তু হয় অহুমান
নরমেধ যজন্ত্বান—। কৃতান্ত কৃপাণে
লক্ষ বলিদানে হাঁনে মানবের প্রাণে।—

শ্রান্তের ফুল ।

বিস্তৃত শ্রান্ত ভূমে যে গৈরিক রাশ
বিদ্যুতি পদতলে ; এই ছাই পাঁশ
দেবের হুল্ব বস্ত অবনীর মাঝে ।—
মর্মব্যথা মানবের প্রাণে নাহি বাজে !
যে জনক জননীর ক্রোড়েতে পালিত
কিংবা যেই তরুতলে আশ্রয় লভিত
নিদানের ঘোর গ্রীষ্মে ; গ্রীষ্ম অবসানে
কুঠার আঘাতি মূলে ছিন্ন করি প্রাণে
দূরে ফেলাইয়া স্থান করে পরিষ্কার ।
ঘোরতর স্বার্থপর—করে আবিষ্কার
আপনার গন্তব্যের পথ—সুবিশাল ।—
রচিছে সোপান শ্রেণী—মানব কঙ্কাল
হইতেছে ভিন্ন ভিন্ন তার পাদ-পীঠ ।—
মথিয়া নরক যেন নরকের কীট
করে শত আক্ষফালন । অঙ্কুশের ঘায়
ডুবায় পুরীষ কুণ্ডে মুণ্ড পুনরায় ।—
কুটুম্বের কলেবরে রাখি পদতর
নিষ্কলন চিতে চিন্তে স্বার্থপর নর
কোথায় সে লক্ষ্যমণি হায় কতদূর
কত উর্দ্ধে অবস্থিত ; বাসনা নিটুর
লয়ে ঘায় ফেলে দেয় নরকের দ্বারে ।
নদি কেহ ফিরাইতে চাহে আপনারে

পড়ে আসি; ঘোরতর জীবন বিগ্রহে
 সম্মুখীন হয় রণে; যেন গ্রহে গ্রহে
 ঠেলাঠেলি; বিসম্বাদ তারায় তারায়;
 আপনার ছায়া রশ্মি মাথি আপনায়
 সঙ্ক্ষ্যায় উঠিয়া পুনঃ প্রভাতে মিলায়
 আলোকের উক্তাপাতে।

কি করিয়া হায় !

মানব চরণতলে দলিল্ এ ছাই ?
 নাহি কি তোদের মনে মমতার ঠাই ?
 নহে শুধু ইঙ্কনের দন্ধ অবসান
 এই ছাই পাশ। ইহাতেও আচে প্রাণ
 ইহাদের এককালে ছিল যে জীবন
 ছিল প্রেম ভালবাসা প্রণয় রতনঃ;
 যৌবন কুমুম দাম দুলিতরে গলে
 হাসিতরে সুখে তারা; কাঁদি অশঙ্খলে
 ঘুচাইত ধূরণীর কলঙ্ক কালিম।।
 শায়দ গগনে যবে উঠিত পূণিমা
 শুভ্রালোকে তাহাদের শুভ চিন্তা কত
 • বিকৃসিত হত; জল বুদ্বুদের মত
 হৃদয়ে ভাসিয়া পুনঃ মিশাত হিয়ায়।
 এই সমীরণ সলিঙ্গ আলোক ছায়

শানের ফুল।

তুষিতৱে তাহাদের তুষিছে যেমন
নিত্য তারা আমাদের কর্তব্য মতন।
বাসনা আকাঙ্ক্ষা বাঞ্ছা যুড়ি বক্ষময়
ফুটিত তাদের—ফুটে যথা কিসলয়
বসন্ত উষায় ; মলয় পবনে তারা
আমাদেরি মত হইত যে আহুহারা ;
তাহাদেরো ছিল ভাতা ভগী স্বত দারা
হারালে নয়ন-তারা পাগলের পারা
বুজিত এ বিশ নাখ ; করিত কামনা
আছে স্থান জুড়াইতে হৃদয় বেদনা।
দেখে যারা ধরা থানি শুভ্র সরামত
কিংবা যে হাসিছে কিংবা কানা অবিরত
করেছে যে ব্রত জীবনের ; যাতনার
বৃশিক দংশনে বহির্গত প্রায় যার
প্রাণ ; একে একে একে রাখিবে হেথার
দেহভার , অঙ্গিত হইবে মৃত্তিকায়।
চিহ্ন রহিবেক গালি—অহঙ্কার, হাসি,
অশ্রু, মদ, গৌরবের মুষ্টি ভস্মরাশি।
এ প্রাচণে—কত মহাশ্বার না হইতে
মাহাশ্বা প্রকাশ ; সুন্দরীর না হইতে
সৌন্দর্য বিকাশ ; না ফুটিতে অঙ্গুরিত
বাঁজ প্রণয়ের, অণয়ীর আদ্রিত,

কত কিছি না ধরিতে পূর্ণ আয়তন
মিশিয়াছে ছাই পাঁশে বিগত জীবন।
যদি কোন দেবশিঙ্গ ব্রহ্মলোক হ'তে
অমৃতকুণ্ডের জল আনি বিধি মতে
করিত সিঙ্গন, এই শুশান উষরে
কিংবা চিরতমোময় সমাধিমন্দিরে,
পরশিলে নিষ্ঠ-বারি ভয় মৃত্তিকাম
উঠিত সজীব নর; লভিয়া স্বকাম
যাইত আপনা বাসে শান্তির আলয়ে
ভাস্তি তাদের স্বপ্ন, দেখিত বিশ্বয়ে
অচিন্ত্য ঘটনাবস্থা; করিত কামনা
পুনর্বার মরিবার। তারা থাকিত না
তিলার্কি হেথায়; কে পারে দেখিতে চক্ষে
প্রাণসমা প্রিয়তমা শোভিতেছে বক্ষে
অপরের? অপহরি পিতৃসিংহাসন
বসেছে তনয় তায়; করেনা যতন
জনকে পুনরাগত; চিনে চিনিতনা
আগস্তকে, বসিবার আসন দিতন।
প্রেত বলি রাম রাম করি উচ্চারণ
পুনরায় নিজকার্যে নিবেশিত মন।
তাই বুঝি ধরামারে করিতে বিচার
সজিলেন বিধি মৃত্য। গেলে পুনর্বার

ଶାନେର ଫୁଲ ।

ଆମେନା ଦେଖିତେ ମେ ଯେ କି ହଟେ ହେଠାମ୍ବ
କେ ଯେ କି କରିଛେ ମେହ, ମାସା ମମତାମ୍ବ
ନିମ୍ନ କାହାର କାମ କେହ ଯେ ହରଷେ
ଗାହିଛେ ଜୀବନ ଗାଥା କେହ ଭରବଶେ
କରିଛେ ଆପଣ ଲୀଳା ସାଙ୍ଗ ଆଚାରିତେ ।

ନା ରହିତ ଯଦି ମୃତ୍ୟୁ ଏହ ଧରଣୀତେ
ତା ହ'ଲେ କି ଭୟାନକ ହଇତ ଏ ହାନ
ଥାକିତନା ଶୁଖ ; ହଇତ ନା ଅବସାନ
ଜାଲା ଯାତନାର ; ମୃତ୍ୟୁ ତରେ କତଲୋକ
କ୍ଷାଦିଯା କ୍ଷାଦିଯା ପାଶରିତ ସବ ଶୋକ !
ନରେର ଉନ୍ନତି, ହିତ ସାଧନ ଧରାର
ଜାନିତନା ମାନବେରା ତାହା କି ପ୍ରକାର
ଥାକିତନା ମାନସେର ବଳ ପ୍ରେଦାୟିନୀ
ହର୍ବଲେର ପ୍ରାଣ ଆଶା ଚିତ୍ତବିନୋଦିନୀ ।

ମୃତ୍ୟୁ ଯଦି ସ୍ଵେଚ୍ଛାଧୀନ ହଇତ ନରେର
ସଂସାର ହଇତ ସ୍ଵର୍ଗ ; ସ୍ଵର୍ଗ ନରକେର
ନା ରହିତ ବିଭିନ୍ନତା ; କେ ଚାହିତ ଯେତେ
କଲନାକୁଞ୍ଜ ସମ ଅମରାବତୀତେ ?

ଆଶାନେ କୁତାନ୍ତ କରେ ଉନ୍ନୁକୁ କୁପାଣ
ଡାକ ଦିଯା ବଲେ ନିତ୍ୟ, ଦାଉ ବଲିଦାନ

মানবের শান্তি সুখ, যা কিছু যা আছে

শুশানের বেদিমূলে দেবী মূর্তি কাছে।

দিবরে আহতি আজি জলন্ত চিতায়

ছিপ্প মুণ্ড শান্তিসুখ সর্বস্ব ; জিহ্বায়

শিথার, ফরিবে ভস্ম দুরা আচম্বিতে।—

অশান্তির কারামুক্তি আজি ধরণীতে

বিমাদের অভ্যর্থনা শোকের আহ্বান

নিরাশার অভ্যাথান, সৌধ্য বলিদান,

রোদনের শতধারা, যাতনার জালা

হৃদয়ের শেল, স্মৃতির কণ্টক মালা।—

মমতার হার—দৃঢ় মায়ার বন্ধন—

ধৰ্মসিবে, দহিবে নিত্য স্বকায়ে জীবন

প্রজলিত চিতাগ্নিতে সজীব পর্যাণ।

কে বলে নিজীবে খালি দহেরে শুশান

কে জানিত অনল যে শীতল এমন

জুড়ায় মনের জাল মনের বেদন

পশিলে ও অনলের ক্ষুদ্র সমাধিতে

আপনি জুড়ায়ে যায় আঁধি পালটিতে

থাকে না যে কিছু চিহ্ন।—

ঐ দেখ দেখ

ধৰ ধৰ করি জলে চিতা ; শিথা এক

শ্মশানের কুল ।

চুমিল বদন বক্ষ কর শায়িতার
এককালে শত শিখা বেড়িল তাহার
নিশ্চল নিশ্চেষ্ট দেহ আক্রমে যেমন
মধুচক্রে মধুপাণী ষট্পদগণ
মধু পীয়ে কিস্ত করে গরল উদগার ।
ছেড়ে দাও ছেড়ে দাও কিছুক্ষণে আর
হবে সঙ্গ লীলা খেল।—নিভিবে অনল !
জলিছে সে জ্বালা বক্ষে, করি বক্ষস্থল
ভস্ময়, আপনাতে হইতে নির্বাণ ।—
ফিরে দে ফিরে দে ঘোরে ফিরে দে শ্মশান
সোণার পুতুল ঘোর ভিধারীর প্রাণ—
ভিধারীর কাচ(ই) মণি তুল্য মূল্যবান ।
দিবি না দিবি না ফিরে রাখতে যতনে
রাখ তবে চিরকাল তরে । আজীবনে
যেইজন লতে নাই স্বথ, জানে নাই
শান্তি কি প্রকার ; পার যদি স্বথ সেই
চাহি না চাহি না তারে লাইতে ফিরায়ে
অনন্ত শান্তির কোলে থাকুক শুইয়ে ।—
শ্মশান আরজ্ঞ নেত্রে নির্দিয় হৃদয়ে
বলিল বুলাও হাত, আপনার গাঁয়ে
কিংবা বিশ্ব জগতের ; পরশিলে গাঁয়
ক্ষত বিক্ষতের চিহ্ন দেখিবে সেথার

শুশামের ফুল

কান্না আছে হাসি চাপা অঁধার আলোকে
 পাপ আছে পুণ্য ঢাকা স্মৃথ শত শোকে ।
 এই কালি কালিমাল কলুষিত দেহ ।
 ভাঙ্গিল আমাৱ স্বপ্ন বাড়িল সন্দেহ ।

—:00:—

ফুলশয়্যা ।

(১)

এসেছো কি এই থানে, আসিতে ষেমন
 তুমি নিজ পিত্রালঘো, উৎসবেৱ দিনে
 অথবা এখানে বুৰি আছে নিমন্ত্ৰণ ?
 তাই কি এসেছ হেথা এমন অদিনে ?
 অঙ্কিত অতীতালেখ্য ত্ৰিদিব তোৱণে
 প্ৰবেশ পদবী মাত্ৰ রায়েছে যেথোৱ
 নিক্ষমণ পদচিহ্ন পড়েনা নয়নে ;
 রঞ্জিত যে চাৰিভিত্তে ‘বিদাম’ ‘বিদায়’ ।
 থাকো সখি থাকো সুখে অবনীৱ সাথে—
 পেলে কোলে নিয়ে যেও আমাৱে পশ্চাতে ।—

(২)

বুৰি ইচ্ছা দেখাতে তা অভাগা পতিৱে
 যে চাৰু অজ্ঞাত পুৱী দেখেছ সেখানে,
 সেথা হ'তে কেহ, পাৱেনি আসিতে ফিৱে
 কহিতে সে গুপ্ত কথা মানবেৱ কাণে ।—

শুশানের ফুল।

কে পায়ে ঠেলিতে চায় সিন্দু মনোরণ ?
 লভিতে অভীষ্ট ফল অসাধ কাহার ?
 নিজ হিতকর কার্য্যে, যে জন বিরত
 হয় মূর্খ সেই, নয় তা অসাধ্য তার
 পতির জীবন তব ফাটিছে বিযাদে
 থাকো একা হবে দেখা দিন হই বাদে ।—

(৩) .

পড়িয়া শশানে ছিন্ন কমলের হার,
 না খুলে পল্লব তার অঙ্গ আভাস
 না লুঠে ভূমর আজি মকরন্দ তার
 বহেনা স্বাস তার বাতাসে মিশায় ।—
 শুক কমলের শোভা কৌমুদীর রাশ
 ছিন্ন বল্লরীর শোভা বিকসিত ফুল
 হাসিতে যে মাধুরীর লাবণ্য বিকাশ
 কঁদিলে সহস্রগুণ ভূতলে অতুল ।—
 উপরক্ত শশী যদি এত সমুজ্জল
 জানি না প্রসন্ন শশী কেমন নির্মল ?

(৪)

বৃঝি জীবনের এই শেষ অভিনয়
 এই দেখা, শেষ দেখা, জনম মতন
 শেষ লীলা শেষ হাসি শেষ সমুদয়
 তবে কেন বাকী থাকে শেষ আকিঞ্চন ।

আজি সাজাইব তোরে মনের মতনে
 বিবিধ ভূষণে, আর কুসুম নিচয়ে
 সোহাগ আদর আর স্নেহ আলিঙ্গনে
 দিব উপহার আজি বিষম হৃদয়ে
 সঞ্চিত করেছি যাহা বহু যাতনায়
 যদিও তা কলুষিত নয়ন ধারায় ।—

(৫)

করিয়াছ স্নান কত নদ নদী জলে
 কর স্নান একবার নয়ন আসারে
 তব শুভ যুগলের, বাঁধিয়াছ গলে
 কত রহ আভরণ, পর এইবাবে
 বিনি স্মৃতে গাথা মালা নয়নের ধার
 আনিয়াছি কবরীতে করিতে বন্ধন
 স্থতির ভাণ্ডার হ'তে মাধুরীর হার ।
 করুক শোকের শ্রাস চামর বীজন ।
 আর কি দিবরে তোরে কোথা কি পাইব
 এখনি ভিথারী সেজে পথে দাঁড়াইব ।—

(৬)

লুঠায়েছি বিলায়েছি স্নেহের ভাণ্ডার
 . সম্বল কেবল আজি নয়নের জল
 প্রণয়ের প্রতিদানে দিতে উপহার
 হৃদয় সরসে আছে শুক শতদল ।—

শ্রান্তের কুল।

স্নেহের মেধলা ধানি তুলিয়া যতনে
 পর কটিদেশে কর স্নেহ মণিময়,
 যতনে মণিত কাষ রঞ্জিত রতনে
 ভালবাসা মণিময় নাও এ বলয়।—
 আদৰ মমতা মায়া সিঞ্চিত সোহাগ
 চরণ যুগলে মাথ অলভের রাগ।—

(৭)

কনকের চাপা ফুল হীরার বকুল
 রজত রজনীগঙ্কা অযুত অযুত
 কেমন আমোদ ভরা ছৃতলে অতুল
 কণ্টকে মণিত কায়া কেতকী অঙ্গুত।
 কেন না কুসুম ফুটে মলমে চন্দন ?
 কেন তারকারা হায় ! কুসুমের মত
 ফুটে না ধৱণী তলে, এ কথা কেমন ?
 তাহ'লে যে তুলিতাম অভিলাষ যত।
 ঢাল হে নিসর্গ আজি কুসুম নিচয়
 হোক শ্রান্তেতে ফুলশয়া অভিনন্দন !

(৮)

এস নিশা তারাময়ী মলিন বদনে
 দেখি কি ফুটেছে ফুল তোমার বাগানে . ?
 হের দেখ হাসিতেছে সরসী জীবনে
 কুমুদ কল্লার হেলা এখানে ওখানে।—

নিশিগঙ্কা গঙ্কে যার রঞ্জনী বিভোর
হেৱ সে প্ৰচূমসুখী মলিকা মালতী,
সেফালিকা বালিকাৱ নয়ন চকোৱ
জাতি যুথি গাঁদা মতি বেলা রসবতী,
দোপাটি কলিকা কুল বাঁধুলি চামেলি
গোলাপ বকুল টাপা ভৰৱেৱ কেলি ।

(৯)

প্ৰকৃতিৱ হাসি দেখি হাসিল নলিনী,
অভিমানে শৰ্ষ্যসুখী হেৱিল সে হাসি ;
পাছে মনে কৱে কিছু হ'চি সোহাগিনী
তোষে দুজনাৱে রবি সাদৱে সন্তানি ।
কুটিল কৱবী জবা অশোক কাঞ্চন
পলাশ অপৱাজিতা নীল নাগেশ্বৰ ;
কামিনী যে কামিনীৱ কবৱী ভূষণ—
কেতকী, যে যুবতীৱ বিবাহ বাসৱ ।
কুটিল সে গন্ধৱাজ শিৱিষ আতস
কুকুকলি অলি যার সোহাগে অলস ।

(১০)

গিৱি উপত্যকা তক শুল্ক লতা বন
নাহি কি কুহুম তোৱ হে দিবা রঞ্জনি !
মাথে নাকি ফুল শশি ! কৌমুদী কিৱণ
নাহি কিহে রবি ফুল ! প্ৰেম ভিধাৱিনী ?

শুশানের ফুল ।

হয় না কি দেখা বায়ু ফুলদল সাথে
নাহি কি জাহুবি ! তোর পূজা উপচার ?
কি হবে সে ফুলে আর কি কাজ তাহাতে
থাকে যদি ঢালো আনি কুস্মের ধার
কি কলিকা বিকসিত লিলিত মধুর
কি কালোর অকালের উদ্যান মরুর ।

(১১ .)

গেল দিন ফিরে দিন আসিল আবার
উঠিল উষাৱ রবি পূৱব গগনে
অগতে হইল পুনঃ জীবন সঞ্চার
আসিল তাহার ছায়া একটা জীবনে
আবার আসিল সন্ধ্যা ‘প্ৰকৃতিৰ স্নেহ’
তাৰকা খচিত ষেন নীলাহুমী তলে
দিবাৰ কিৱি বিভা আবৱিল দেহ ।
ঢাকিল পৃথিবী মুখ মণিন অঞ্চলে ।—
এ বিশ্বজগৎ কিন্তু ঠিক তাই আছে
নৃতন নৃতন কেন ঠেকে মোৰ কাছে ।—

(১২)

ৱাজধানী ৱাজপথে প্ৰশস্ত নগৱে
হ'ধাৱেৱ লোক যেন হ'ধাৱে পলায় “
বলে জানি সব কথা ছুঁসনেকো মোৱে ।—
ঐ ডাগীৱায়ী দেখ নিৰ্মল ধাৱায়

ধাইছে সাগর আশে, চাহেনা এ ধারে
 পাছে কলুষিত হয় পবিত্র সলিল
 তার আমার পরশে ; দেখ বারে বারে
 পিছায় আমাকে হেরি চমকি অনিল ।
 তরু লতা উপবন বায়ু গলে ছলি—
 বলে জানি মাথা ধাস্ ছাঁসনেকো ভুলি —

(১৩)

কি জ্ঞাত অপরিজ্ঞাত মানব মণ্ডলী—
 চাহে না হেরিতে যেন আমার আনন ।—
 মেঘ হ'তে মেঘান্তরে যেনবৈ বিজলী—
 বলে বাঞ্চা কলঙ্কের ; হিমাংশু তপন
 মেঘ কোলে রাহ গ্রাসে হইয়া পতিত
 এড়াইতে চাহে যেন আমার নয়ন
 জলদ জলের দান করেছে রহিত
 লুকায়েছে অঙ্ককারে নক্ষত্র রতন ।—
 কে জানিত মহাপাপ বিযাদ এমন
 তাহলে কে করিতরে তার নিমন্ত্রণ ?

(১৪)

আজি যাহা রাজপুরী আলয় রাজাৰ
 . কে জানে যে ছিল না সে কালিকে বিজন ?
 আজি যেই ভিথারীৱ দিনপাত ভার
 পারে নাকি পেতে কালি রাজসিংহাসন ?

কালি যে বালিকা ছিল আজি সে যুবতী
আজি যেই খানে ছিল শৈল দৃঢ়কাম
হ'তে পারে কালি সেথা নদী শ্রোতৃস্তী
দ্রুত শৈলে মহাদেশ গঠিছে কোথাম ?
ভবিষ্য তিমির গর্ভে চির অঙ্ককারে
কি নিহিত আছে তাহা কে বলিতে পারে ?
যমন্ত্র জপৎ চলে—নিয়মের বলে
বিশ্বপাতা বিশ্বত্বাতা তার মধ্যস্থলে ।

—:00:—

বাসর ঘর ।

ঐ দেখ্ ঐ চোখের উপর
নাচিছে আমাৰ বাসৱ ঘৰ ;
বালিকা যুবতী বৰীয়সী শিশু
সবে মিলে ঘোৱে ডাকিছে বৰ ।

ঐ দেখ্ এক প্রসৱ বালিকা
অঁচলে অঁচলে আমাৰ ঘোৱে
অপাঙ্গ কটাক্ষে বলিছে কেবল
প্রেমের ভিখারী করিব তোৱে ।

ঠ দেখ আশা প্রেমের অঙ্কুর
 উঠিছে হৃদয়ে আকাশ চাহি
 কত যে কামনা সাধ অভিলাষ
 খেলিছে হৃষে সঙ্গীত গাহি ।—

দেখ সে বালিকা প্রকুল্ল যুবতী
 কোরকের শোভা নাহিক তায় ;
 সে ক্লপের ছটা, সে ক্লপের হাসি
 গগন মেদিনী উচ্ছলে যায় ।—

এই নাও বলি সম্পিছে কোলে
 তনয়-জননী তনয় যোরে
 সেই সাথে তার জীবনে জীবনে
 বাঁধিছে আমাৰ অটুট ডোরে ।—

এখন যুবতী পরিণত নারী
 ফাটিছে অধুর হাসির ভৱে
 বলে দেখ দেখি হও কিনা হও
 প্রেমের ভিকারী ইহার ভৱে ।—

এই বলি দৃশ্য মিলাল কোথায়
 • সহসা এমন হইল কেন ?
 অঁধার জগত অঁধার অস্তর
 প্রলয় কালের প্রকৃতি যেন ।—

শাশ্বানের ফুল ।

অকস্মাত ঘন চিতাধূম আসি
ছাইল জীবন ছাইল মন ;
কতক্ষণ পরে বহু যাতনাৱ
দেখিলাম চাহি মুছি নয়ন ।—

অদূরে সমুদ্রে রঘেছে শুইয়া
কোমল শিশুৱ আবৃত দেহ
যেন জগতেৱ যেন স্বরগেৱ
ধূলি ধূসৱিত প্ৰভূত শ্ৰেষ্ঠ ।—

শৃঙ্গ চাৰিদিক, নাহিকো এসব
কেবল চৌদিকে চিতাৱ ধূম
রঘেছে রমণী শুইয়া চিতাম
উজল কৱিয়া শাশ্বান ভূম ।—

যেলিলে নয়ন মুদিলে নয়ন
স্বপ্নে জাগৱণে মানসে মোৱ
অন্ত কোন কিছু নাহিক এখন
কেবল চিতাৱ অনল ঘোৱ ।—

সমীৱ হিলোলে সলিল লহৱে
বলিছে যেন ৱে চিতাৱ কথা
ৱোদে জোছনাম অঁধাৱে আলোকে
জলিছে অনল যথাম তথা ।

—:00:—

ଆଶା ସହଚରୀ

শুশানের কৃল ।

ওরে আশা ! তোর হৃদি, কি দিয়া গঠেছে বিধি
একবার বুক খুলে দেখাবি কি বলন।
কি আছে সেখানে দেখি মনে বড় বাসনা ।—
কে জানে আশাৱ গাছে, নিৱাশা যে কুলে আছে
তাহলে অমন কৱে কেন অস্ত ষতনে,
হৃদয়েৱ উপবনে পুতিবৱে গোপনে ?

এত যে আদৱ ক'রে কে তাহারে পুষ্টিৱে
স্ববাস স্বশোভা তাৱ কুঠারেৱ আঘাতে
ছিন্ন কৱি সিঙ্গুনীয়ে ফেলিতাম হ'হাতে ।—

ওরে আশা বিনোদিনী তুই কাল ভূজগিনী
মুখেতে সন্মস শোভা অবিৱত নেহারি
অস্তৱে দহিস কত কালকৃট উগারি ।—

আমিওৱে ঈ ক্লপে ভুলেছিলু তোৱ ক্লপে
কত কি নৃত্য ছবি চিত্তপটে অঁকিলি
অনস্ত বড়াই(এ) তুই মনে মনে হাসালি ।—

কে জানে এমন তৱ আশা প্ৰবঞ্চনাপন ?
জানি নাই শুনি নাই ভাবি নাই অস্তৱে
নবোঢ়া বিধবা হবে বিবাহেৱ বাসৱে ।—

কি জানি কৱেছি পাপ প্ৰায়শিত্ত অভিশাপ
জীবনেৱ সঞ্জিষ্ঠলে একে একে বিকাশে
তাই বুঝি আশা তুই পৱিণত নিৱাশে ?

ग्रन्थालय

ত্রুটি আশা নাম,
বিজড়িত ত্রুটি হাসি কি আসল-নকলে
ওরে আশা তোর প্রেমে পাগল কি সকলে ?

ক্ষেত্র ফুল ফুটেছিল
কেন আশা সেই ফুল বৃষ্টচ্যুত করিল ?
চিমুরুন্ত হ'তে আহা কত অশ্র ঝরিল ।—

নিশ্চয় দু'দিন পরে
সুবাস শুশোভা তার কিছুইনা ব্রহ্মিত ।—
কে না জানে তক্ষণ ও উকাইয়া যাইত ?
এমন নিঠুরা তুই
নয়নে নয়ন ব্রাথি মণিহারা হই কি ?
সুদয় বদল করে সহচরী করি কি ?

ওরে মায়াবিনী আশা
তোর মনে এই ছিল কে তা আগে জানিত
তাহ'লে যে তোর তরে কে ওক্তপে কাঁদিত ?
তোর মুখে দিয়ে ছাই,
আলাই বালাই নিয়ে যেতাম যে চলিয়া
তোর পানে মুখ তুলে আরত না চাহিয়া ।

কেন লোকে নাহি বুঝে
• মরীচিকা কত শত হেরি তোর ছলনে
নিরাশাৰ বিভীষিকা দহে তোৱ বিহনে ।

শ্মশানের মুল।

ওরে আশা তুই কিরে আর না আসবি ফিরে

অনন্ত বিদ্যায় নিয়ে যথার্থ কি চলিল
নিরাশার দাবানলে সহচরী রাখিল ?

ওরে আশা ডাকি তোরে, , দিবায় নিশায় ভোরে
একবার একবার দেখা দিস্ নয়নে
এ জীবনে নহে কিন্তু অস্তিমেতে মরণে ।

আশা তোর গলা ধরে, বড় ইচ্ছা কাদিব রে
শেষের সেদিনে হায় জাহুবীর তুকানে
নহে বনে উপবনে জীবনের শ্মশানে ।

রচিয়া শুন্দর চিতে তাহাতে প্রফুল্লচিতে
উঠিব হজনে স্বথে গাবি সহমরণে ?
নিশ্চয় হইবে দেখা আশা পুনঃ জীবনে ।

— :00: —

শোকে শান্তি ।

কে যেন কোথায় গেয়েছিল মেই
মনে কিন্তু হায় ! সব তাৰ নেই
সে গৌতেৱ আগ চৱণ এই ।

শুশানের ফুল

“যার কেহ নাই তার সব আছে
সমস্ত জগৎ পূর্ণ তার কাছে
তারি তরে ফুটে কুসুম গাছে ।”

বিপুল এ বিশ্ব জীবজন্ময়
ভূষিতে সামান্য একটী হৃদয়
পারে কিনা পারে অলীক ভয় ।

বিশাল ব্রহ্মাণ্ড শুপ্রকাণ্ড কায়
কত কি জিনিষ নিয়ত বেড়ায়
অগণ্য তারকা গগন-গায় ।

ফুলে পূর্ণ তরু, লতা কিসলয়ে
ডাকিছে সদাই আনন্দ হৃদয়ে
পশ্চ পক্ষী কৌট পতঙ্গ চয়ে ।

যার কেহ নাই তারি আঁধি তরে
এত কি আয়াস কষ্ট সাধ্য ক'রে
লাবণ্যে লাবণ্য অপনি বারে ?

তারি তরে কিগো শশী শূর্ঘ্যোদয়
নৃত্য লহরীর পারাবার ময়

তারি তরে কিগো মলয় বয় ?

উন্নত ভূধর শৃঙ্গ মনোহর
শৃঙ্গে শৃঙ্গে দেখাদেখি পরম্পর

অরণ্য কান্তার মরু মুন্দর ?

শাশ্বনের ফুল।

মুক্ত প্রস্ববণে যুক্ত নদীজল
অঁধারে মাধুরি আলোক উজ্জল
রোদে জোছনায় প্রাণ পাগল ।
তারি তরে বটে দেশ দেশান্তরে
অগাধ সাগরে ভূধর শিথরে
নিসর্গে সদাই সৌন্দর্য ঝরে ।
কুম্ভমিত লতা মুখরিত তরু
তারি তরে শোভে মনোহর চারু
বন উপবন উদ্যান মরু ।
সুদূর অস্তরে কি মেদিনীময়
কত কি অঙ্গুত নিত্য স্থষ্টি হয়
জুড়াতে তাহার নৱনদয় ।
পাথীর কাকলি সুসঙ্গীত শ্রোত
অস্তর সাগর ধ্বনিত সতত
নিসর্গ বিত্ত শোভায় স্বতঃ ।
নগণ্য মানব আমি ক্ষুদ্র প্রাণ
কোন কোণে পড়ে রয়েছি অঙ্গান
আছি কিনা আছি নাহি সন্ধান ।
এরা যদি হায় আমারে তুষিতে
অক্ষম বলিয়া পরিচয় দিতে
নাহি লজ্জা পায়, কি ফল জীতে ?

ଶ୍ରୀମଦ୍ଭଗବତ

ଶାନ୍ତିମେତ୍ର ଫୁଲ ।


ନିରଜନେ ସବେ କାନ୍ଦିବରେ ଏକା
 ଫୁଲ ସନେ ସଦି ହୟ ମୋର ଦେଖା,
 ବଲିବେ କେନ ହେ କାନ୍ଦିଛ ସଥା ?
 ତଟିନୌର କୁଳେ ବସିଯା ବିରଲେ
 ହେବିବରେ ସବେ ତରଙ୍ଗେର କୋଳେ
 ଟାନେ ଟାନେ ଲହରୀ ଦୋଳେ ।
 ବଲିବେ ଲହରୀ ମୃଦୁ ମନ୍ଦ ହାସି
 ମଧୁର ମଧୁର ମଧୁର ସନ୍ତାପି
 କେନ ଫେଲ ସଥା ଅଞ୍ଚର ରାଶି ?
 ଫୁଲରେଣୁ ତୁଳି ପରିମଳ ଭରି
 ହିଲୋଲେ ହିଲୋଲେ ଆମୋଦ ବିତରି
 ପବନ ସଥନ ବହିବେ ଧୀରି ।
 ବଲିବେ ହେ ସଥା ଆମାର ମତନ
 ପରହିତ ବ୍ରତେ ବିସର୍ଜ ଜୀବନ
 ସଦାନନ୍ଦେ ସଦା ହ'ବେ ମଗନ ।
 ହାସିତେ ହାସିତେ ପ୍ରକୃତି ଶୁନ୍ଦରୀ
 ନବ ତତ୍ତ୍ଵାନି ସଲାଞ୍ଜେ ଆବରି
 ନାଚିବେ ଆନନ୍ଦେ ପ୍ରେମ ବିତରି ।
 ଦୁଲିଯା ଲତିକା ସମୀର ଚଞ୍ଚଳେ
 ଶୁଶ୍ରୋଭିତ ଦେହ କୁଷମେର ଦଲେ
 ଭୁଜାବଳୀ ସବେ ପରାବେ ଗଲେ

গগনে তারকা জোছনা নয়নে
 অমনি সরমে আবৃত বদনে
 উপহাস বাণী বলিবে মনে ।
 দেখি নবভাব করি বিড়ম্বনা
 কত দিবে মোরে লাঞ্ছনা গঙ্গনা
 জড়প্রকৃতির সরলপ্রাণ ।
 বলিবে সকলে “সথা” সমন্বয়ে
 আমাদের কিগো মনে নাহি ধরে
 এত কি ঐশ্বর্য লতায় ঝরে ?
 ছিলনা সঙ্গী আমরাত আছি
 যারে অভিলাষ লও তারে বাছি
 সবাই আমরা তোমারে যাচি ।
 নব পরিণয় শ্বেহ বিনিয়য়
 নিরাশ পরাণে আশার উদয়
 এখন ধরণী সঙ্গিনীয় ।
 প্রকৃতির শুরে গাহি ছলে ছলে
 সমীরের তালে নাচি কুতুহলে
 এখন কাঁদিনা বারেক ভুলে ।

—:00:—

সম্পূর্ণ ।

৬৩



7